

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka javne nabavke roba – Potrošni materijal za uzorkovanje krvi, objavljenog na web portalu Agencije za javne nabavke dana 10.03.2021.godine i u Službenom glasniku BiH broj 15/21 od 12.03.2021. godine, zaključen je

OKVIRNI SPORAZUM o nabavci roba

između:

Javna ustanova Opća bolnica „Prim. dr. Abdulah Nakaš“,
Sjedište: S.S.Kranjčevićeva broj 12, 71000 Sarajevo,
koju zastupa direktor bolnice, Prof. dr. Ismet Gavrankapetanović
Identifikacijski broj: 4200288400001,
(u daljem tekstu: Kupac / Naručilac)

i

BROMA BEL d.o.o. Banja Luka,
Branika Popovića 39, 78000 Banja Luka
koga zastupa Direktor: Radmila Vuković Kljajić
Identifikacijski broj: 4400839360005,
Transakcijski račun dobavljača: 5671621100189471
Naziv banke dobavljača: SBERBANK a.d. Banja Luka
(u daljem tekstu: Dobavljač),

PREDMET OKVIRNOG SPORAZUMA

Član 1.

Predmet ovog okvirnog sporazuma, je nabavka roba - **Potrošni materijal za uzorkovanje krvi** – **LOT 6 - Poveska**, i to : - isporuka roba (opis predmeta okvirnog sporazuma prema vrsti, količini, kvaliteti i dr.)
dalje: oprema i (eventualno) usluge / radovi, koje će Dobavljač obaviti Kupcu u skladu s odredbama ovog okvirnog sporazuma i slijedećim dokumentima koji čine sastavni dio ovog okvirnog sporazuma u obliku njegovih priloga i to:
– Ponomom / specifikacijom Dobavljača br. 255/21 od 29.03.2021 – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio okvirnog sporazuma sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente okvirnog sporazuma / nabavke), dostavljenom po otvorenom postupku broj nabavke JN-13/21.

CIJENA

Član 2.

Cijena koju će Kupac isplatiti Dobavljaču za opremu i (eventualno) usluge / radove iz člana 1. Okvirnog sporazuma iznosi:

LOT 6 – na godišnjem nivou

- Cijena bez PDV-a: 1.000 KM;
 - Porez na dodanu vrijednost (PDV 17%) = 170,00 KM;
 - UKUPNA VRIJEDNOST / CIJENA sa PDV-om = 1.170,00 KM
- (slovima: jednahiljadastotinuseдамdeset i 00/100 KM).

LOT 6 – na dvogodišnjem nivou

- Cijena bez PDV-a: 2.000,00 KM;
 - Porez na dodanu vrijednost (PDV 17%) = 340,00 KM;
 - UKUPNA VRIJEDNOST / CIJENA sa PDV-om = 2.340,00 KM
- (slovima: dvijehiljadetrinacetstotinačetrdeset i 00/100 KM).

USLOVI I NAČIN PLAĆANJA

Član 4.

Plaćanje će se izvršiti u roku 60 (šezdeset) dana od dana zaprimanja računa za stvarno isporučenu robu. Plaćanje se obavlja na žiroračun Dobavljača. Kupac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog okvirnog sporazuma ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Okvirnim sporazumom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na uskladjivanje.

Uslovi plaćanja i drugi uslovi koje Dobavljač jednostavno unese u fakturu ne obavezuju Kupca ni onda kada je fakturu primio, a nije joj prigovorio.

ROK ISPORUKE

Član 5.

Rok isporuke ukupno ugovorene i specificirane količine opreme, kao i pripadajućih usluga iz člana 1. ovog okvirnog sporazuma je 48 (četrdesetosam) sati računajući od datuma obostranog potpisivanja ovog okvirnog sporazuma, a sve u trajanju dvadesetčetiri mjeseca. Pod isporukom se podrazumijevaju sve potrebne radnje koje je Dobavljač dužan obaviti, prema okvirnom sporazumu i prilozi posla, da bi Kupac mogao primiti isporuku.

Mjesto izvršenja obaveza Dobavljača (isporuke robe) je **Javna ustanova Opća bolnica „Prim. dr. Abdulah Nakaš“ Kranjčevićeva broj 12, 71000 Sarajevo, Bolnička apoteka.**

Kupac se obavezuje isplatiti cijenu i preuzeti isporuku ugovorene opreme onako kako je predviđeno ovim okvirnim sporazumom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju opreme.

Do isporuke / predaje opreme Kupcu (do dana obostranog potpisivanja zapisnika o kvantitativnom prijemu opreme bez primjedbi) rizik slučajne propasti ili oštećenja opreme snosi Dobavljač, a s isporukom / predajom opreme rizik prelazi na Kupca. Rizik ne prelazi na Kupca ako je isti zbog nekog nedostatka isporučene / predane opreme raskinuo okvirni sporazum ili tražio zamjenu opreme.

Dobavljač je dužan da o svom trošku ugovorenu opremu osigura od uobičajenih rizika. Dobavljač vrši osiguranje do momenta prelaska rizika u skladu sa ovim, a Kupac od tog momenta.

Oprema koja je predmet ovog okvirnog sporazuma i koju će Dobavljač isporučiti Kupcu prema ovom Okvirnom sporazumu bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način. Dobavljač će zapakovati opremu tako da može izdržati transport, manipulaciju i eventualno skladištenje u razumnom vremenskom roku. Ambalaža mora imati takva svojstva koja posebno obezbjeđuju zaštitu od vlage.

SKLAPANJE UGOVORA NA OSNOVU OKVIRNOG SPORAZUMA

Član 6.

Kada se utvrdi potreba za nabavkom Potrošnog materijala za uzorkovanje krvi sačinjava se specifikacija i spisak roba sa potrebnim količinama na osnovu koje se izraduje Ugovor po okvirnom sporazumu za konkretnu nabavku.

Odsjek za javne nabavke sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

Dobavljač može odbiti ugovor samo u slučaju da isti nije u skladu sa tenderskom dokumentacijom za nabavku, odabranom ponudom i ovim Okvirnim sporazumom.
U slučaju povrede ugovornih obaveza nastalih potpisivanjem ugovora na osnovu Okvirnog sporazuma, Kupac može raskinuti ugovorni odnos pisanim putem ili na drugi dokaziv način.

ODGOVORNOST ZA MATERIJALNE I PRAVNE NEDOSTATKE

Član 7.

Dobavljač odgovara za materijalne nedostatke stvari / opreme (hardver / softver) koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su poslijedica uzroka koji je postojao prije toga. Neznatan materijalni nedostatak ne uzima se u obzir. Sta se podrazumijeva pod neznatnim materijalnim nedostatkom zajednički / komisijski utvrđuju Kupac i Dobavljač. U obavijesti o nedostatku stvari / opreme Kupac je dužan potažnje opisati nedostatak i pozvati Dobavljača da pregleda stvar / opremu. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obaveznu da obavijesti Dobavljača. Nedostatak postoji ako ugovorena / isporučena oprema / stvar nema svojstva i odlike koje su izričito određene ovim ugovorom. Dobavljač odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Dobavljač odgovara ako na isporučenoj opremi / stvari (hardver / softver) postoji neko pravo trećeg koje isključuje, umanjuje ili ograničava pravo Kupca, a o čijem postojanju Kupac nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu opremu / stvar, Kupac je dužan obavijestiti Dobavljača o tome (obavijestjenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar / opremu od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Kupca, okviri sporazum se raskida.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 8.

Dobavljač je, u smislu osiguranja izvršenja obaveza po ovom okvirnom sporazumu, obavezan Kupcu dostaviti sljedeću bezuslovnu originalnu bankarsku garanciju (prema obrascu utvrđenom od strane Kupca):

- garanciju za uredno izvršenje okvirnog sporazuma / dobro izvršenje posla/ okvirnog sporazuma u iznosu 10% ukupne vrijednosti Okvirnog sporazuma sa uračunatim PDV-om, sa rokom važnosti garancije: rok izvršenja ugovora + 30 dana;

Dobavljač će garanciju iz prethodnog stava dostaviti u roku od 10 dana od dana zaključivanja ovog ugovora / obostranog potpisivanja ovog okvirnog sporazuma.

Garancija za uredno izvršenje ugovora/okvirnog sporazuma dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

GARANTNI ROK

Član 9.

Garantni period na koji se Dobavljač obavezuje u pogledu ugovorene robe počinje teći od datuma obostranog potpisivanja Zapisnika o kvantitativnom prijemu opreme bez primjedbi. Na osnovu predatog garantnog lista kojim proizvođač opreme garantuje ispravno funkcionisanje iste, Kupac ima pravo, ako oprema ne funkcionise ispravno, zahtijevati kako od Dobavljača tako i od proizvođača da opremu popravi u određenom roku ili, ako to ne učini, da mu mjesto nje isporuči opremu koja funkcionira ispravno. U slučaju manjeg popravka, garantni rok se produžava onoliko koliko je Kupac bio lišen upotrebe opreme / stvari. Međutim, kada je zbog neispravnog funkcionisanja izvršena zamjena stvari ili njezin bitni popravak, garantni rok počinje teći ponovo od zamjene, odnosno vraćanja popravljene stvari / opreme. Ako je zamijenjen ili bitno popravljen samo neki dio opreme / stvari, garantni rok počinje teći ponovo samo za taj dio.

UGOVORNA KAZNA, ZATEZNA KAMATA

Član 10.

U slučaju kašnjenja u isporuci opreme Kupac će zaračunati Dobavljaču na ime ugovorne kazne iznos od 1% ukupne vrijednosti opreme čija isporuka kasni za svaki puni dan zakasnjavanja počev od prvog dana doznje do maksimalnih 5%, ukupne vrijednosti / cijene Okvirnog sporazuma. Kupac ne može zahtijevati ugovornu kaznu ako je primio ispunjenju obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakasnjela plaćanja Dobavljač će zaračunavati Kupcu zatezne kamate prema primjenjivom / pozitivnom propisu.

VISA SILA

Član 11.

Ako slučaj više sile, potpuno ili djelimično sprječiti izvršenje obaveza po ovom okvirnom sporazumu, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogodena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme popisivanja ovog okvirnog sporazuma, koji su nastali mimo volje ugovornih strana, čije nastupanje i djelstvo ugovorne strane nisu mogle sprječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogodena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzecima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

Za vrijeme trajanja više sile obaveze ugovornih strana po ovom okvirnom sporazumu miruju, ne primjenjuju se odredbe okvirnog sporazuma o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 10 dana, ugovorne strane će se sporazumijeti o daljnjoj sudbini Okvirnog sporazuma. Ukoliko se ugovorne strane ne sporazumiju o sudbini okvirnog

sporazuma, ugovorna strana kod koje nije nastupila viša sila ima pravo na raskid okvirnog sporazuma pošto o tome pismeno obavijesti drugu ugovornu stranu.

STUPANJE OKVIRNOG SPORAZUMA NA SNAGU

Član 12.

Ovaj okvirni sporazum stupa na snagu danom obostanog potpisivanja od strane ovlaštenih lica ugovornih strana, a zaključuje se na period od 2 (dvije) godine. Svi rokovi u vezi s ovim okvirnim sporazumom računaju se od dana stupanja okvirnog sporazuma na snagu.

PRIMJENA ZAKONA O OBLIGACIONIM ODNOSIMA

Član 13.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog okvirnog sporazuma, a koji nastanu u vezi i povodom izvršenja ovog okvirnog sporazuma.

RJEŠAVANJE SPOROVA

Član 14.

Sve eventualne sporove i nesporazume koji bi mogli nastati iz ovog okvirnog sporazuma ili povodom ovog okvirnog sporazuma, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

OSTALE ODREDBE

Član 15.

Dobavljač nema pravo zapošljavati, u svrhu izvršenja ovog okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angžirala Komisija za nabavke, najmanje šest mjeseci po zaključenju okvirnog sporazuma, odnosno od početka realizacije okvirnog sporazuma.

Izmjene i dopune ovog okvirnog sporazuma mogu se vršiti samo pismenim putem. Bit će ponovazne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 16.

Ovaj Okvirni sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Pripremla:

Semra Senturk, dipl. jur – službenik za javne nabavke *Semra Senturk*

Kontrolisale:

Amira Petrović, BA općeg prava - šef Odsjeka za javne nabavke *Amira Petrović*


Amela Smajić - Džafertagić, BA općeg prava, - šef Odjeljenja za zajedničke poslove

Kupac
Javna ustanova Opća bolnica
"Prim. dr. Abdulah Nakaš"
DIREKTOR

[Signature]
Prof. dr. Ismet Gavrančakpetanović

Broj: 1954-14/21

Sarajevo, 06.05.2021 godine



Dobavljač
BROMA BEL d.o.o. Banja Luka
DIREKTOR

[Signature]
Radmila Vuković Kijajić

[Signature]

Banja Luka, 22.05.2021 godine

Broj: 442/21

